

四庫全書

子部

欽定四庫全書

萬姓統譜卷二十三

明 凌迪知 撰

上平聲

十三元

原

周文王第十六子原伯之後

周原憲

宋人孔子弟子原思也為人狷介所居蓬樞甕牖子貢過之曰夫子病乎憲曰無財之謂貧學道而不能行之謂病若思貧也非病也

原亢

孔子弟子

原壤

魯人

原仲

陳人

原壽過

周大夫

原軫

晉人

漢原臣

高平人周大夫原伯魯之後嘗為谷口令方古循吏子孫遷居陽城

原涉

字巨先南陽太守郡二千石官賦歛送葬皆萬以上時又少行三年喪者涉父死讓還賻送行

喪塚廬三年

原親

原意

原未央

原市

俱見
印數

唐原復

開元中為冀州刺史
政令與舉境內肅然

明

原黼

觀城知縣公廉守已德政
化民滿去民懷思不忘

原傑

字子英陽城人正統進士歷官南京兵部尚書
諡襄敏傑才識通敏處置流民設郡縣誠萬世

也
之利

原性

字復初蒲城人成化舉人任德安府同
知以廉稱士論服其貞靜純厚不易及

原秉衷

字天叔蒲城人弘治進士有文名

原道

蒲城人舉人正德中任眉州知州風裁剛方持守尤力修造石城不煩捶楚而事集合郡安然

以憂

去

原竄

蒲城人嘉靖己丑進士

源

出自代北禿髮傉檀之子賀入後魏太武曰與卿同源可為源氏又望出西平

北源賀

西平人偉容貌善風儀事魏太武賜爵西平侯以功進平西將軍太武征涼州以為鄉導累官

冀州刺史封隴西王嘗上十

源思禮

賜名懷賀子謙恭寬雅有大度文成未為侍御中散詔持節巡行北邊鎮恒燕朔三州上

事宜三十餘
條皆見嘉納

源延

賀子性謹厚少好學位
侍御賜爵廣武諡曰簡

源子邕

字靈和少好文雅篤志於學推誠待士士多
歸之累遷夏州刺史戰沒贈司空諡莊穆

源子恭

字靈順邕弟聰敏好學遷尚書主
客郎前後征討功封臨穎縣侯

源彪

恭子仕齊為秘書監入周為
司城下大夫拜莒州刺史

源師

字踐言彪子少知名明辨有識
仕齊為尚書左丞以明幹著稱

源雄

字世畧少寬厚美姿容初仕魏厯位
秘書郎在周以伐齊功封朔方公

隋源嵩

大業中為尚書虞部郎討北
海賊力戰死之贈正議大夫

源休

使回紇有口辨欲殺者數
四不屈使還除光祿卿

源乾曜

出知江東遷諫議大夫開元中拜相帝東幸
以京兆尹留守京師治尚

寬簡居三年政如始至

源光裕

乾曜族孫居官號清愿撫諸弟友義為中書
舍人與楊滔留令植同刪著開元新格厯尚

書左丞會選諸司長官為刺史光
裕任鄭州為世良吏卒於官子洧

源洧

乾曜族孫以雍睦理家玄宗時為襄陽刺史尋
遷江陵大都督長史以禦寇卒贈禮部尚書諡

愨

宋源獲

登進士第

源永勵

建隆登科

源待舉

代州刺史

源重

湖州刺史

明源湜

字仲源高郵人洪武初任大都督府斷事陞監察御史出知辰州過武昌有黃鶴樓詩云武昌

城高山勢雄黃鶴一去危樓空乾坤二氣開勝境江漢萬古生清風雨餘鸚鵡越晚霞碧霜落鳳凰秋樹紅檻前石刻已陳迹老仙何處騎飛鴻

源達

藍山人宣德中任鹽井衛教授

源政

眉州人成化中武陵縣丞

輅 陳輅 濟
塗之後

周輅 濟塗 陳大
夫

輅頗

輅叵 陳司
徒

漢輅豐 建始間為長安令治有
能名擢拜司隸校尉

輅終古 功臣禦
兒侯

輅固 齊人治詩景帝時為博士以廉直拜清河王太
傅疾免武帝立復以賢良徵諸儒多嫉毀曰固
老罷歸之時年已九十餘公孫弘亦徵反目事
固固曰公孫子務正學以言毋曲學以阿世諸

齊以詩顯皆
固之弟子也

明 韓朴

和順人正統中
鴻臚司儀署丞

爰 望出濮陽即袁氏陳胡公
裔九代孫爰伯諸之後

漢 爰延

字季平陳留外黃人為侍中桓帝嘗問朕何如
主對曰中主帝曰何以知之曰尚書令陳蕃任
事則治中常侍黃門預政則亂是
以知之帝嘉其言後拜大鴻臚

爰 驥

延子任白馬
令稱善士

爰 節

郎中
令

爰 曾

字子路東平人與劉翊起兵盧城頭號
其兵為頭子路光武時拜萊郡太守

唐

爰慶

建州刺史

垣

漢西河太守垣恭之後

漢垣恭

西河太守

垣副

公孫述將

晉

垣敞

龍驤將軍

垣閔

交州刺史

南垣護之

字彥琮略陽垣道人少儻氣幹強果仕宋為殿中將軍累遷鍾離太守義宣反護之率

水兵大破賊將封益陽縣侯拜青冀二州刺史尋徵為右衛將軍卒諡壯侯

垣崇祖

字敬遠護之姪父詢之驍敢有力梁山之役

力戰中流矢卒贈冀州刺史崇祖少有幹畧
歷琅琊蘭陵太守齊高帝踐祚徙為像州刺史
魏攻壽春立堰塞肥水起小城謂長史曰虜必
攻小城即破堰放水豈非小勞而大制
耶魏軍果溺死數千退步走後進都督

垣祇祖

羽林監

垣榮祖

崇祖從兄父諒之仕宋為中郎府參軍榮祖
善騎射建中時為後軍參軍後歸齊高帝除
東海太守見翔鸞雲中曰當生取之乃彈其兩
翅毛脫墜無傷預佐命勲封將樂縣子遷兗州

刺史

垣閔

字叔通榮祖從子父遵仕宋為員外常侍閔為
中郎參軍歷三州刺史封樂鄉男初齊高帝為

子冕求閔女閔曰齊大非偶及即位以有誠心封爵如故子僖伯善射歷巴西梓潼太守閔弟

閔為九真郡
皆著信南中

垣曇深 閔子以行義稱為臨城縣罷歸得錢十萬以買宅奉兄退無私蓄

垣糜生 隨王司馬後徵為太子右衛卒

宋垣詢 徐州太守

明垣廣詢 字仲咨陽朔人洪熙中任戶部照磨

樊 上黨商音文王後虞仲支孫為周卿士食采於樊因氏又望出南陽

古樊仲父 堯時人牽牛飲水見巢父洗耳乃駢牛還恥令其牛飲於下流見莊子

周樊須魯人孔
門弟子

樊穆仲字山甫

樊於期秦將避罪於燕燕太子丹使荆軻刺秦勸於期獻首期自刎

漢樊噲沛人以屠狗為事從高祖起豐及與項羽會鴻門賴噲奔入營請讓羽不然事幾殆自是從入

漢中定三秦天下
既定封舞陽侯

樊宏湖陽人光武之舅父重貲巨萬好賑宗族
闕中振為三老宏有志行光武即位拜光祿大夫封

壽張侯畏慎不求苟進戒其子曰天道惡滿而好謙今保身全已豈不樂哉宗族化之未嘗犯

法子儵有父風孫準勵志
行脩儒術仕為光祿勳

樊重

家貲鉅萬賑給宗族恩加鄉閭貸人以數百萬臨終遺令焚其契券

樊儵

字長魚宏之子謹約有文事後母至孝及母卒哀毀過禮帝嘗遣節黃門朝暮送饘粥儵受公

羊嚴氏春秋於丁恭廼刑定二氏春秋章句世號樊侯學教授門徒幾千餘人

樊暄

字仲華新野人光武徵時以事拘新野暄為市吏餽餌一哥帝德之及即位拜天水太守善惡

立斷吏民及羌胡畏之道不捨遺

樊融

暄子少有俊才好黃老之學隱居不仕

樊英

字季齊魯陽人習京氏易兼明五經善風角前後辟舉皆不就嘗有暴風起西方謂成都市火

甚盛因漱水作雨息之後果然順帝備禮徵之稱病不屈詔以為光祿大夫

樊準

字幼陵和帝時鉅鹿太守歲饑民流準課農桑施方畧明年歲大豐穀價賤十倍趙魏之間數

遭寇掠準外禦盜賊內撫百姓郡境以安

晉

樊峻

西陽太守庾亮鎮武昌謀北伐乃以峻副毛寶守邾城石虎惡之以兵五萬寇荆揚北鄙二萬

騎攻邾城陷寶峻死之

南樊叔畧

陳留人父觀魏封河陽侯為高歡所誅叔畧奔關西宇文泰引置左右數被親信以平齊

加上開府汗州刺史周宣帝營建東都制度皆其所定以軍功加大將軍入隋加上將軍徵拜

司農卿

樊子蓋

字華宗任隋為武威太守以善政聞煬帝曰人道公清定如此不謝曰臣安敢清止是小

心不納賄耳乃賜口味百餘斛後陪宴積翠池帝親以金盃屬子蓋酒曰良真嘉謀侯公後勳

即以此孟賜公
用為高年之瑞

樊遜

字孝謙專心典籍舉秀才為第一
楊愔曰文章成就莫過樊孝謙

樊毅

字智烈南陽人毅本將門善騎射侯景之亂率部曲隨叔父文皎拔臺城以功除右中郎將

樊猛

字智武幼做儻有幹畧青溪之戰猛自旦訖暮與侯景軍短兵接戰殺傷甚眾臺城平以猛為

司馬

樊深

字文深河東人孝繼母甚謹弱冠好學負書從師於河西講習五經晝夜不倦魏永安中隨軍

征討以功累
遷中散大夫

唐
樊興

安州人以戰功多封管國公後坐事削爵貞觀中討陵州獠及擊吐谷渾累遷襄城郡公太宗征遼以興忠謹副房玄齡留守京師卒贈洪州都督陪葬獻陵

樊宗師

字紹述力學多通解著春秋傳魁紀公樊子凡百餘篇不蹈襲前人一言一句號溢體終

諫議大夫韓愈稱議論有經據嘗薦其才

樊澤

字安時河中人少孤依外家客河朔相衛節度使薛嵩表為堯山令舉賢良方正次潼關雨淖困不能前有熊執易者同舍逆旅哀之解所乘馬傾褚以濟自罷所舉是歲澤上第炎善之擢左補闕澤有武功喜兵法議者謂有將帥器累遷山南東道司馬就拜節度使每射獵諸將憚其材武數與李希烈角禽慄將張嘉瑜杜文朝梁俊之等賊氣沮縮遂取唐隋二州貞元三年

為荆南

節度使

樊智遷

蜀郡太守秩滿民歌曰太守來門夜開持節去民惶懼

五代樊子鵠

平城人初為晉州刺史累官西陽郡公兼尚書左僕射東南道行臺都總管為高歡所害

宋

樊知古

字仲師南唐主李煜時嘗舉進士不第遂謀北歸乃漁釣采石江上數月乘上舟載絲繩

維南岸疾棹抵北岸以度江之廣狹太祖開寶

三年詣闕上書言江南可取狀以求進用太祖

令送學士院試

賜本科及第

樊光遠

字茂實錢塘人紹興中省試第一除秘書正字上疏極詆時弊出為閬州教授後召為秘

書丞遷監

察御史

樊資深

字逢源少遊汴從司馬溫公學皇祐初中拔萃異科授潞州別駕致仕歸資深性剛介博

通經史睦姻族鄉人之貧無食者濟之以粟死無棺者助之以木家居二十年費以萬計

元
樊淵

字浩翁句容人好學善詩至元中奉母避兵茅山兵至欲殺其母淵以身代兵兩釋之母沒哀

慕終身臺憲交薦淵不忍去墳墓終不起

樊執敬

濟寧鄆城人擢授經郎嘗見帝師不拜或問之曰吾知尊孔氏而已至正中為江浙行省

叅知政事時劇賊攻城執敬率衆出戰奮力斫賊因中鎗而死事聞追封魯國公

樊楫

冠州人初為軍吏數從征伐有功累官中書省叅知政事進攻交趾班師還為賊邀遮力戰被

創竟為所殺贈上黨郡公諡忠定

明 樊鎮

考城人賦性剛直博通經史洪武中登進士第
授監察御史振飭風紀有能聲厯官山西右布

政使所至廉幹

勤敏大得時譽

樊敬

字守一鄆城人洪武進士授春坊司諫改行人
司副陞鴻臚寺丞永樂中厯左通政征沙漠督

撫運特命鎮守濟寧以行軍

司馬行事陞刑部左侍郎

樊士信

應城人洪武乙丑進士以兵部主事守淮河
北兵南下士信禦之力不能支遂死之靖難

後夷其族

族竟滅云

樊繼

洪武中知興國州廉介公平州南有虎患禱於
城隍數日兩虎自鬪死州西有湖隄壞捐俸勸

民築成之興學校毀淫祠勸

民喪祭用文公禮民多化焉

樊瑾

字公瑾南昌人景泰中知績溪調彭山時松潘酋民作亂中丞夏瑁以瑾識天文知兵畧舉叅

戎事嘗出師見黑雲氣起自西方謂敵有伏兵宜防之指畫發縱往無不利事聞陞兵備僉事

樊瑩

字廷璧常山人天順進士歷官南京刑部尚書官瑾奏奪職尋復卒贈太子少保諡清簡公明

習律令潔己好修侃侃自樹
立交游稀寡人皆敬而畏之

樊瑀

直隸文安人弘治元年由進士知浙州毅然以古良牧自期待廉能寬慈政平訟理由創邑以

來興利之多澤遺
之深未有踰瑀者

樊繼祖

郟城人正德進士
歷官都御史

樊景麟

新繁人嘉靖初知漢陽府鯁介不阿政尚綱紀尤加志窮民勤恤備至水啣城堵詞訟役

隸計日借工隨城歛石時與家僮移巨石於署前轉運江岸以身先民以節財費至今稱頌其德

樊鵬

字少南信陽州人嘉靖丙戌進士官至按察使事嘗師何仲默為詩文有聲稱所著有樊氏集

千卷

樊獻科

處州人丁未進士任太僕寺少卿

言汝南

周言偃

吳人北學於中國受業孔子在文學科為武城宰以禮樂為教知滅明之賢而取之為聖門高弟

漢

言宮

上虞

南

言翰

宋青冀刺史
兄坦代之

明

言芳

字時榮山東都平人成化進士守廣平純謹有
執自奉甚約食服每甘菴糲政舉民懷不畏權
貴

言震

餘姚人成
化舉人

昆

已姓夏諸侯昆吾之後

周

昆辨

齊人見
戰國策

奔

宋 奔行 安福人咸淳進士

敦 陳留姑姓之後又云秦史敦之後

周 敦洽 衛醜人

漢 敦倚 急就章

敦昌 弘農人

晉 敦道徽 名鑿

明 敦鐸 滁州人宣德中保定府推官

屯 渾沌氏之後去水為屯望出巴郡

漢屯莫

巴都人太山太守

屯度

法部尚書

賁

音奔縣城徵音縣賁父之後望出汝南又音肥

周賁浦

魯人見風俗通

漢賁光

郎中

賁嵩

汝南人清操之士

賁顥

長水校尉

明賁隆

定遠人福建邵武衛左千戶

賁清

定遠人即武衛千戶守備惠潮等處

盆

齊郡盆城子之後

漢盆謚

中郎將

論

盧昆切吐番大姓祿東贊之後

南論叔達

西秦將軍

唐

論儂

左衛大將軍

論維明

檢校工部尚書廊坊節度使

論瑀

字惟貞以字行本吐蕃族也開元末為左武衛右將軍遷光祿卿李光弼討史朝義以惟貞守

徐州

論維賢

羽林大將軍

宋

論九齡

華州人登科

論程

御史

明論中立

同州人宣德中長沙府經歷

門河南周公卿之子入王端門教以六藝謂之門子其後為氏又望出廬江

南門文愛河南人

門宗

徐州刺史

明門克新

秦州人洪武中由儒士任州學訓導生徒多至成效秩滿陞左春坊左贊善未幾陞禮部

尚書

門時中

當塗人洪武中崇仁縣知縣

門泰

資縣人建文元年舉人孫縉嘉靖舉人授知縣

門相

四川人景泰進士

尊

尊盧氏之後

明尊德

繁峙人弘治中任太湖縣丞

渾

平聲河南鄭大夫渾罕渾良夫之後

周
渾罕 鄭大

唐
渾邦 隴西太守
封曲平侯

渾鎬 義成節
度使

渾釋之 蘭州人有才武世為本州都督從朔方軍戰
功居多累遷開府儀同三司封寧朔郡王與

吐蕃
戰歿

渾瑊 釋之子年十一善騎射隨釋之防秋節度張齊
丘戲曰與乳媪俱來耶是歲立跳盪功尋從破

賀魯部勇常冠三軍後從李光弼定河北又從
郭子儀復西京討安慶緒功官至檢校尚書右

僕射同

平章事

渾鐵 城次子以陰補參軍
累擢至豐州刺史

根 見姓苑

周根牟子 著書

吞 地根切 晉陽

漢吞景雲

恩 陳大夫成恩之後見風俗通

南恩茂 東庠祭酒

明恩光 山東濰縣人正統間
鴻臚寺司儀署丞

軒即軒棘氏其後有單姓者

漢

軒和

諫議大夫

宋

軒彥績

登科

明

軒輓

字惟行河南人永樂進士歷官左都御史刑部尚書性廉介律已嚴毅有為有守之士子惟明

任廣宗知縣
民有去思

軒尚朱

邵陵人嘉靖中廬江知縣

軒能

曲周人嘉靖舉人

繁

音婆商人七族有繁氏潁川又望出上黨

漢 繁延壽

御史大夫

晉 繁欽

字休伯以文章機辨少得名於汝潁欽既長於書記又善為詩賦率皆巧麗為丞相主簿

存

見姓苑

存光孫

富順人寶佑進士

棧

漢 棧溫舒

棧慶

棧終古

錢塘人斬樓船將軍

豚

漢 豚少公

蕃

漢 蕃弘

藩 方煩切

漢 藩嚮 字嘉景魯國人北
海相八厨中人

藩彭祖 北海
相人

明 藩俊 保寧人嘉靖中舉
人任清遠縣知縣

番

漢番係

河東守言轉漕
事武帝用之

番亡

字季孺

祁

邑名

滾

音袁出何氏纂要

猿

見姓苑

敦

音敦

憚

牛坤切見纂要

駕 見姓苑

梭 音尊 見姓苑 并直音

𩇛 音袁 見直音

闍 見姓苑



萬姓統譜卷二十三

鑄

見纂要

園

四皓有園公風俗通云代於事者城郭園池是也

寬

寬句縣名

塤

見姓苑

萱

見姓苑

蘆

音原見直音

翻

見姓苑

袁

音袁見直音

欽定四庫全書

子部
萬姓統譜卷二十四至
二十七

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣姚元開

欽定四庫全書

萬姓統譜卷二十四

明 凌迪知 撰

上平聲

十四寒

韓

南陽商音唐叔虞之後曲沃桓叔之子萬食邑於韓原因氏

周

韓厥 晉人景公時為司馬鞏之役大敗齊師能執臣禮於齊君郟陵之役逐邴伯不敢速晉遷新田

用其謀卒

曰獻

韓無忌

厥長子有廢疾厥告老欲以為嗣乃辭以疾請立起悼公以無忌為仁使掌公族大夫使

訓卿之子弟
恭儉孝弟

韓起

厥子代父為卿平公時使聘於周王使請事所對辭不失情聘魯觀易象春秋聘鄭諸大夫賦

之末年代趙武
為政卒諡曰宣

韓非

韓之諸公子與李斯俱事荀卿善刑名法律之學作說難孤憤五蠹說林五十餘篇

韓固

晉魏韓子為政分祁氏之田以為七縣以韓固為馬首大夫謂能守業者也

韓朋

周大夫妻美康王奪之韓被囚自殺妻乃陰腐衣王與登臺自投下遺書於帶願以尸合葬王怒

今兩塚相望經宿忽梓木生於二塚根連於下枝連於上有二鳥如鴛鴦常栖其上旦暮悲鳴

人謂二
精魂也

漢
韓信

淮陰人少寄食漂母初事項羽不能用乃歸漢拜大將軍定三秦擒魏取代什趙骨燕破楚

下齊立為齊王將兵會咳下漢取天下大抵皆信功後徙為楚王高祖偽遊雲夢至楚擒信赦

為淮陰侯家僮

上變呂后殺之

韓嬰

燕人文帝時為博士推詩人之意作內外傳數萬言亦推易意為之傳武帝時與董仲舒論於

上前仲舒不能難

孫商亦為博士

韓安國

字長孺睢陽人嘗學韓子雜說初事梁孝王為中大夫吳楚反安國扞吳兵於東界後累

官御史大夫天子以

為國器徙材官將軍

韓延年

潁川人父千秋封成安侯延年襲父爵與李廣同伐匈奴以戰死

韓伯俞

梁人嘗有過母笞之泣母曰他日笞子未嘗泣今泣何也對曰他日笞常痛今母之力不

能使痛是

以泣也

韓延壽

燕人昭帝時以父義諫而死宜賞其子遂擢延壽為諫大夫歷淮陽潁川東郡太守延壽

為吏崇禮義好古教化所

至令行禁止為天下最

韓歆

南陽人從光武攻伐有功封扶陽侯嘗為司徒好直言勿隱諱證歲皆饑凶指天畫地言甚剛

切坐是免

歸田里

韓韶

長社人就辟為太山嬴長賊聞其賢相戒不入境流民入縣界者甚眾韶愍其饑開倉賑之主

者爭不可韶曰長活溝壑之人而以此伏罪

含笑入地矣子融少能辨理累官至太僕

韓說

字叔儒山陰人博通五經尤善圖緯之學舉孝廉與議郎蔡邕友善數陳災眚稍遷侍中光和

元年十月說言於靈帝云其晦日必食乞百官嚴裝帝從之果如所言

韓伯高

鉅鹿人少學問聞淮揚薛漢世習韓詩以章句著名姓從師事之薛教授數百人惟伯高

與健為杜撫會稽澹臺敬伯知名當世

韓稜

舞陽人少孤養母弟以孝友稱及壯推父遺財數百萬與從昆弟仕為郡功曹五遷至尚書令以才能稱在朝數舉良吏遷南

陽太守政號嚴平累進司空

韓康

霸陵人家世著姓康賣藥後隱霸陵山中連徵不起桓帝備玄纁安車聘康康辭自乘牛車至

道中
遁去

韓珩

為袁紹別駕袁將焦觸背袁向曹率諸太守殺白馬盟今日違者斬以次軟至珩曰吾受袁恩智不能救勇不敢死於義闕矣若北面曹氏所不能為也一坐為珩失色曹操聞珩節甚高之屢辟不至

卒於家

三國
韓當

遼西人以便弓馬有膂力幸於吳孫堅從征伐犯危難陷敵擒虜為別部司馬後與周瑜拒破曹操與呂蒙襲取南郡封都亭侯遷至昭武將軍

韓暨

字公至堵陽人祖術河東太守父純陽郡太守祠縣陳茂諧暨父致大辟暨殺茂以首祭父墓由是顯名仕曹魏為太常崇明正禮

廢去淫祀累官至司徒卒諡恭侯

韓績

字興齊其先廣陵人避亂居嘉興父建仕吳大鴻臚績好文學以潛退為操布衣蔬食不交當

世東士並宗敬之司徒王導辟為掾不就會稽內史孔愉疏薦詔安車束帛徵之不起

韓階

長沙人性廉謹篤慎為閭里所敬愛刺史譙王承辟為議曹祭酒承為魏人所殺階親營殯殮

送柩還都朝夕哭

奠具葬畢乃還

韓延之

字顯宗堵陽人仕為平西府錄事參軍劉裕伐司馬休之密書招延之延之報書辭甚激

厲以裕父名翹字顯宗子是已字顯宗名子曰

翹示不臣劉氏後入魏為武牢鎮將賜爵魯陽侯

韓伯

字康伯長社人清和有思理留心文學勝氣籠霄飛談捲霧舅殷浩及王坦之皆見推獎官至

吏部

尚書

南韓秀

昌黎人仕魏為宣武將軍都尉秀聰敏才辨有文學累官至青州刺史有政聲

韓麒麟

昌黎人孝文時拜徐州刺史在官不尚刑罰太和中京師大饑麒麟表陳時務甚切為人

恭慎恒置律令於坐旁臨卒之日惟有俸絹數十匹其清貧如此追封燕郡公諡曰康

韓顯宗

麒麟子有才學太和中初舉秀才對策甲科除著作郎後兼中書侍郎性剛直面折廷諍後

與崔逸等

參定朝儀

韓子熙

字元雍父興宗以爵辭與弟顯宗顯宗不受熙緣父素懷卒亦不襲愛顯宗子伯華等於

同生又析階於伯華

儉素安貧清白自守

韓雄

字千蘭東垣人慷慨有大志大統初舉兵洛西與河東行臺共為犄角所向克復封武陽縣侯

後除河南尹都督中州刺

史在邊具知敵人虛實

韓哀

字弘業潁陽人涉獵經史深沉有遠畧周文帝為丞相時引為錄事參軍大統初拜丞相府司

馬累遷至少府哀歷事

三朝武帝深見敬重

韓茂

安定人善騎射從太武討赫連昌征蠕蠕累功拜散騎常侍殿中尚書爵安定公卒謚曰桓子

備爵行唐侯次子均歷定

青冀三州刺史甚有聲譽

韓靈敏

會稽人早孤與兄靈珍並有孝性母亡家貧無以營凶兄弟共種瓜半畝朝采瓜子暮生

已復如此

遂辨葬事

韓係伯

襄陽人孝謹孝鄰居種桑樹於界上為誌係伯以桑枝陰妨他地遷界上開數尺隣

畔隨復侵之係伯輒更改種久之
隣人慙愧還其所侵地躬往謝之

韓懷明

上黨人客居荊州十歲母患尸疰每發輒危
殆懷明夜於星下稽顙祈禱時寒甚切忽聞

香氣空中有人曰童子母須臾自差無
勞自苦未曉而母平復鄉里以此異之

隋
韓擒虎

字子通河東人容貌魁岸文帝時拜廬州總
管委以平陳之任及大舉擒虎以輕騎五百

直取金陵陳平
進位上柱國

韓僧壽

字玄慶擒虎弟以勇烈知名周武帝時為下
大夫從韋韋孝寬平尉遲迥以功拜大將軍安

州刺史

韓洪

字叔明壽弟少驍勇膂力過人平陳之役授行
軍總管晉王廣大獵於蔣山有猛虎在圍中衆

皆懼洪馳馬射之應弦而倒
尋以功加柱國蔣州刺史

韓子誕

文水人親歿負上作墳居喪適禮聞於朝褒嘉之及卒視其脊骨皆毀大業未表其門閭

唐貞觀中

幽其賦役

韓綽

南燕人為右僕射封嵩為左僕射嵩弟融為東中郎將綽弟軌為西中郎將四人同拜帝曰躍

二龍於長衢騁

雙驥於千里

唐

韓瑗

字伯玉三原人父仲良唐初預定律令官至刑部尚書瑗博學曉吏事永徽中為侍中王后之

廢褚遂良之貶瑗切諫不納乞歸田

里後因許敬宗誣奏貶辰州刺史

韓澄

字伯源瑗孫厲志讀書李義府死始得荐官至汝郡太守歷尚書兵部郎中發義府墓鞭而刑

之以報不共戴天之恨人皆義之

韓思復

字紹忠長安人高宗時為滁州刺史累遷諫議大夫玄宗時山東蝗思復言當悔過責躬

帝然之後遷御史大夫

韓琬

字茂貞思彥之子中宗朝舉文藝優長賢良方正科拜監察御史上言國之安危書入不報出

兼河北軍兼按察使

韓休

長安人父大智洛州司功叅軍兄大敏鳳閣舍人休舉賢良擢補闕玄宗朝拜黃門侍郎為人

峭直遇事輒諫或謂玄宗曰休為相陛下殊瘦於舊上曰朕雖瘠天下肥矣官至太子少師

韓洄

字幼深滎陽以蔭補弘文館生安祿山亂避難江南肅宗時為睦州別駕德宗朝拜戶部侍郎

終國子
祭酒

韓游環

靈州靈武人始為邪子儀裨將安祿山反游環赴難功第一李懷光叛誘游環為變游環

白發其書帝曰卿可謂忠義矣京師平論功與渾瑊皆第一累官邠寧節度使卒諡曰襄

韓約

武陵人歷兩浙權運使虔州刺史權安南都護文宗時授左金吾大將軍初約為代北水陸轉

運使修廢田歲收粟二十萬石人賴之

韓朝宗

思復子為荊州刺史李白與書曰生不願封萬戶侯但願一識韓荊州裏有二井飲者死

朝宗移文喻神飲者無恙號公井

韓思彥

字英遠南陽人舉下筆成章志烈秋霜開授監察御史巡察劾南益州高貲兄弟開訟累

年思彥敕厨宰飲以乳二人悟泣請輟訟後太白畫見勸帝修德帝責中書令李義府不言義府譖思彥免去後復召為御史

韓湜

字太冲休子肅宗朝避地山南李承昭表為郡長史三遷吏部員外郎性剛直明吏事德宗時

為江淮轉運使後封晉國公嘗著通例及序奏議各一篇

韓注

仕唐為諫議貞元間以言事忤旨貶岳州適意遊君山棄人間事杜甫以詩寄之有濯足洞庭望八荒之句

韓臯

湜子字仲聞資質厚重有大臣器由雲陽尉策賢良方正異等拜右拾遺遷考功員外郎父喪德宗遣使弔問俾論譔湜行事號泣承命立草數千言以進帝嘉之服除宰相擬考功郎中帝

為加知制誥遷中書舍人御史中丞兵部侍郎
拜京兆尹入拜尚書右丞為戶部尚書歷東都

留守忠武
軍節度使

韓翃

南陽人仕為駕部郎中知詔誥有能詩名號大
歷才子時有兩韓翃其一為刺史宰相請掌誥

孰與德宗曰與詩人
韓翃終中書舍人

韓弘

滑州匡城人莊重寡言沈謀勇斷初試大理
評事累官司徒中書令卒贈太尉諡曰隱

韓介

愈親兄妻鄭氏視愈如子愈所謂鞠於嫂
氏者介次子老成即愈所祭十二郎者也

韓會

愈宗兄按柳子厚先君石表陰先友記云韓會
昌黎善人清言有文章名最高然以故多謗至

起居郎
貶官卒

韓愈

南陽人七歲讀書日記數千言比長盡通六經百家之學擢進士第累官刑部侍郎時憲宗迎

佛骨愈上表及諫貶潮州刺史除鱷魚患尋改袁州召拜國子祭酒歷官吏部侍郎卒贈禮部尚書諡曰文愈為文粹然一出於正佐佑六經學者仰之如泰山北斗云

韓偓

字相之朝宗孫性清簡元和初第進士自閩南東道使府徵為殿中侍御史累遷桂管觀察使部二十餘州自參軍至騎令無慮三百員吏部所闕十一餘闕

可任任之會闕

鄉闕

厚進賄使者去召鄉豪責以

執法答其背以闕部中自是

褒右畏賤卒贈工部侍郎

韓偓

字致光京兆人宰相韋昭範母喪詔還位偓當草制上言昭範處喪未數月使視事傷孝子心

學士使馬從皓逼僱求草
僱曰腕可斷相麻可不草

韓察

京兆人丞相忠肅公況之孫長慶元年刺史易
縣治為州治撤將城築州城功大而民不知役

費廣而用
不厲民

韓昶

小字符退之子幼讀書城南長慶中第進士為
集賢校理弟滂聰悟奇偉從愈之潮之袁而卒

韓湘

愈姪字清夫落魄不羈文公勉之
學曰吾所學非公所知後果仙去

韓幹

善畫
馬

韓衡

昌黎人按柳子厚先君石表陰
先友記云韓衡昌黎之善士也

韓充

以武軍節度使兼統義成軍討叛將
破之留鎮汴有善政子孫遂家太康

韓浦

唐末人與弟洎皆有詞學洎嘗輕浦曰吾兄為文絕樞草舍庇風雨而已吾之文所謂造五鳳

手樓

韓媯

好彈以金為丸一日失者十數長安為之語曰若饑寒逐彈丸媯出則隨之

五代韓通

太原人謹厚有勇力周世宗時累官侍衛將軍副都指揮使宋太祖北征至陳橋為諸軍推戴通謀變惶遽而歸謀率兵禦之為軍校王彥昇所害妻子皆死太祖怒彥昇專殺贈通中書令

以禮收葬

韓熙載

濰州北海人唐進士名聞京洛以父為明宗所殺奔江南事李氏累官中書侍郎光明殿學士謚文靖熙載才氣俊逸善為文性高簡無所卑屈江左號為韓夫子云

韓建

字佐時，僖宗時為華州刺史。初不知書，乃闕人題其所服毼毼牀榻為其名目，以視之，則漸

通文字，見玉篇，喜曰：「吾以類求之，何所不得也？」因以通音韻聲偶暇則課學書史。

韓昭

仕偽蜀王氏為禮尚書、琴棋書算皆涉。李台取曰：「韓八座使藝如拆襪線，無一條長。」

宋韓重贊

武安人，少以勇力聞。仕為都校，領防禦使，從太祖征澤潞，為侍衛領節度使，及征太原為

行營元帥，卒贈侍中。

韓令坤

武安人，父倫，亳州團練使。令坤有才畧，仕為天平軍節度使，侍衛同平章事。太祖親征李

筠，令坤率兵屯河陽，澤潞平，以功加侍中。

韓國華

字光弼，安陽人。太平興國初進士，累官右司諫，性純直，有時譽。淳化初契丹請和，遣使河

朔察之盡得其詐以聞每歲後苑賞花國華以直昭文館陪宴後以右諫議大夫知泉州子琬賜出身珺璩琦

並進士及第

韓丕

字開

陽舉進士開

孤貧有志開讀書開

陽濠

州以冲澹自處不奔競於名宦太宗甚嘉重之召開

韓崇訓

字知禮重贊子累官都轉運使契丹兵至方順河崇訓陳兵唐河扼其要路分兵禽戮之

召拜檢校太傅子允恭禮部

員外有謀畧好學能世其家

韓億

字宗魏靈壽人後徙開封舉進士知永光開有治聲遷御史中丞時楊尚二美人以開去仁

宗欲召復之億力言唐室之禍乃止後官至尚書左丞以太子少傅致仕卒諡忠獻八子綱綜

絳繹維
縝緯緬

韓琦

字稚圭國華子風骨秀異天聖中弱冠舉進士時方唱名太史奏曰下五色雲見初授將作監

丞歷開封推官為陝西帥朝廷倚以為重嘉祐中拜相其後擁英立神不動聲色措天下於泰

山之安封魏國公卒諡忠獻後追封魏王

韓執

齊州長山人第進士知諫院宰相梁適以私容奸狄青起卒伍位樞密內侍王守忠遷官不以

階舉劾無所避平生所得祿賜悉買田贍族黨後以吏部侍郎致仕

韓琦

字君玉英宗時登進士以開封府判官迎契丹使使問南朝不聞打圍何也琦曰我君仁及昆

蟲非時
不為耳

韓晉卿

字伯修密州安丘人為童子時日誦書數千言嘗以明經中第歷州縣政循吏奏試第一

元祐中為大理卿持平考核無所上下士大夫間推其忠厚不以法家名之

韓川

陝州人舉進士元祐初為監察御史極言市易之害遷殿中侍御史疏言朝廷於人才徒信薦

舉而不嚴考課任終吏禮二部侍郎以龍圖閣待制知虢州

韓綜

字仲文億子兄綱為水部員外郎知光化軍綜舉進士通判鄧州同修起居注嘗為契丹詔伴

使使者欲稱北朝去契丹號綜曰自古未有建國而無號者使慙而止累遷刑部員外郎知制誥子宗道歷官戶部

侍郎竇文閣待制

韓絳

字子華綜弟舉進士通判陳州歷遷江南安撫使行便民事數十條後歷翰林學士御史中丞

神宗立韓琦薦為樞密副使轉叅知政事夏人犯塞請行邊拜中書平章事哲宗時封康國公

卒諡獻肅子宗師舉進士累官集賢殿修撰

韓維

字持國絳弟以父輔政不試進士宰相薦其好古嗜學神宗時累官龍圖閣直學士知開封府

王安石惡其言保甲事出知許州尋召為學士承旨天久不雨維言當自責求直言即命維草詔頌之人情大悅是日乃雨元祐更役法命維詳定拜門下侍郎忌者讒之出知汝州坐黨籍納官里居

韓績

字玉汝維弟舉進士為南京判官上言災變詞極剴切歷知開封府進同知樞密院哲宗立拜尚書僕射以太子太保致仕卒諡莊敏子宗武第進士為河間令日食上言切直進都官員外

郎

韓瓘

字德全開封人叅政億之曾孫從劉安居遊好學博雅元豐間知秀州政和初為於潛令蒞官

所至敏銳興利除弊事無壅滯吏不敢欺皆謂有忠獻家法

韓忠彥

字師朴琦子舉進士初為秘書丞徽宗時拜僕射帝用其言數下詔蠲逋責甄叙流人忠

直知名之士稍見收用進左僕射封儀國公以與曾布不協出知大名弟端彥贊善大夫純彥

徽猷直學士粹彥吏部

侍郎嘉彥駙馬都尉

韓浩

琦孫靖康中以奉直大夫守濰州建炎二年金人攻城浩率衆死守城陷力戰死之

韓駒

字子蒼仙井監人少有文稱政和中賜進士除秘書省正字出知分寧縣遷中書舍人分謨祀

明堂圓壇方澤等樂曲後以集賢殿修撰奉祀
高宗即位知江州駒嘗從蘇轍學評其詩似儲

義光

韓世忠

字良臣延安人目瞬如電鷲勇絕倫以應募
立功擒方獫討河北盜賊從高宗南渡平苗

劉之亂大敗金烏珠於江中累遷橫海武寧安
化三鎮節度使以不主和議忤秦檜解樞柄奉

朝請後封咸安郡王卒

諡忠武為中興名將

韓肖胄

字似夫忠彥孫父治以太僕少卿知相州肖
胄初以陰厯開封司錄尋代父知相州自琦

至肖胄三世守鄉郡人以為榮建炎初知江州
入為祠部郎應詔陳五事紹興初以端明學士

使金通問金人知其家世甚重之累遷簽
書樞密院事後與其弟膺胄寓居越州卒

韓彥直

世忠子登進士第調太社令累官工部尚書兼知臨安府屢進讜言後以龍圖閣學士提

舉萬壽觀卒封斬春郡公嘗撫宋朝事分為類目名水心鏡凡百六十七卷

韓元吉

字無咎潁川人紹興間知建陽縣用廣而賦嗇乃質遷鹽榷以佐其費遷守建州表率端

莊篤意學校以軍興調發功轉朝奉大夫赴台去民甚懷之後官至吏部尚書

韓迥

昭州人號東山野叟累官太子中舍致仕李師中以詩贈之曰未及前已得懸車骨立清風八

十餘松竹最宜貧宅舍江山偏照白髭鬚

韓公裔

開封人以三館吏補官充康王府內知客累官岳陽軍節度使卒贈太尉諡叅榮公裔早

著忠蓋為天子故人能與黃潛善秦檜為異史稱其知所向方

韓元傑

字漢臣，億五世孫。少有大志，靖康中年十八，以陰遜知臨頽敵，暴至其不支，甲騎潰圍而

出，宣撫劉光世奇其才，薦知亳州。烏珠入寇，元傑大破敵衆，凱旋晉秩，未嘗自伐其功。年五十卒。

韓元象

字中父，元傑弟。亦陰補官，嗜書，尤工吟詠。論古今成敗，常滾滾聽者，忘倦。少以功名自負。

即宏淵別置幕中，從宏淵北伐。元象謀居多，孝宗以對便殿，擢通判嚴州。

韓洙

字宗魯，鉛山人。海南黎安祚宿其家，既去，遺囊金數十星。孝廉謹識之，未幾黎復至，詰實悉歸之。一無所取。州以事聞，詔賜束帛。又

事父母能竭其力，鄉人稱為孝廉。

韓大寧

玉山人，紹興中進士。有經世志，嘗著續百將傳及周易集註。乾道間，上書劄切，上覽而異。

之除知德興
縣有惠政

韓彥古

世忠子知平江府至郡有士人持吏短長投狀以占能否彥古曰此狀汝不能為必有吏

人為者其人錯愕即以實告於
是捕吏杖之一郡以為神明

韓樞

太師靳王孫也紹熙初以朝請大夫直秘閣來知州事嘗令郡博士茸州志七卷以行至今徵

地文獻者祖焉是時司法劉宰尉有重望樞乃
舉宰充練達科宰後果大聞於世薦賢為國其
真識治
體者

韓同卿

琦五世孫知秦州累遷慶遠軍節度使加太尉卒諡靖恭同卿女為寧宗后其季父侂胄

自以有定策功聲勢薰灼同卿每懼盈滿不敢
干政以故天下皆知侂胄為后族而不知同卿

沒一年而後崩侂冑見敗
人始服其善速權勢云

韓祥

玉山人與弟補同登嘉定進士祥累官侍講學士中書舍人補累官文閣學士兄弟俱

行文章世

關

韓理宗作

關

又書翁

和堂

三大字贈之

韓元龍

字子雲以高祖維恩澤補將仕郎歷天台令縣久不治元龍悉力區畫至忘家事有疏衆

猾姓名來論者謝不納曰此一人耳即不以良民待之彼何以自新聞者感化邑遂大治仕終直龍圖閣浙西提刑元龍性醇孝未嘗輒去其母與弟尚書元吉友愛甚篤俱以文學顯時以

比坡

頴云

韓崇業

字繼源武安人選尚秦王廷美女授駙馬都尉廷美得罪削秩從貶房陵廷美卒起為靜

難軍行軍司馬 扈屯衛大將軍領高州團練使卒

韓宗師

字傳道絳之子以父任 扈州縣既登第安石薦至集賢殿修撰知河中府卒初宗師在神

宗朝數賜對常弗忍去 親側屢辭官不拜云

韓宗武

縝之子第進士徽宗即位為秘書丞因日食上疏言近世事有微漸而不可不察者五大

臣不畏公論小臣趨利附下一也人主息於政事威柄下移怨讟歸上二也左右無輔拂之士守邊無禦侮之臣三也開境土以速邊患耗賦財以弊民利四也歲穀不登倉庾空竭人民流亡盜賊數起五也哲宗將祔廟中旨索省中書畫甚急宗武言哀慕方深不宜有丹青之玩陛下踐祚如日初升當講劇典訓開廣聖學好玩易志正古人所戒也尋除都官員外郎改開封

府推官後又為淮南轉運判官前使者貸上供錢禁庭遣使來索宗武奏具狀詞極鯁切坐貶

秩罷歸久之蔡京欲以知潁州帝語秘書事京不敢復言遂致仕累官太中大夫年八十三卒

韓溥

京兆長安人唐相休之裔孫周顯德初第進士
歷司門郎中溥詳練臺閣故事多知唐朝氏族

與人談壘壘然可聽號為近世肉譜縉紳頗推重之尤善筆札人多藏其尺牘

韓明

關州守將元兵破關州軍潰散守趙章被擒明父子猶率所部兵亦戰力屈始就擒

遼韓延徽

安次人少英邁涉獵經史累官崇文館大學士政事令中機務悉令裁決為佐命功臣封

魯國公子德樞官侍中封趙國公

韓知古

玉田人善謀識有量仕至中書令時國初禮文疎濶知古援據古典參酌國俗為之由是

遼國禮
文可觀

金韓昉

燕京人天慶初進士第一官至翰林學士禮部尚書參知政事封鄆國公昉性仁厚善屬文長

於詔冊嘗作太祖曆
德神功碑當時稱之

元

韓信同

字德人別號古遺受學於陳尚德隱居不仕著書經講義五百餘篇及易經三禮旁註書

集解史
類纂

韓因

汴梁人少習舉子業負氣不羣盜據汝寧久討不下會詔赦叛逆借因以唐州判官使持詔詣賊賊渠恐納詔不讀而縱因歸報因乃周賊也

大言汝等好百姓何甘從賊驅使賊渠追因責之因極口肆詈賊怒寸割

韓性

字明善紹興人宋相琦八世孫天資警敏讀書日記萬言及長博綜羣籍為文自成一家四方

學者多受業其門隱居不仕而卒諡莊節先生

明

韓成

虹縣人從上親征陳友諒賊悉眾合圍數重諸將計無所出成曰臣聞古之人有殺身以成仁者遂賜成龍袞端冕對賊投水中死遂解圍追封高陽侯子觀累官都督同知有將才鎮廣西

徭僮畏之如神

與山雲齊名

韓克忠

字守信城武人洪武丁丑廷對第一授翰林修撰學行剛實擢國子司業興弊補壞修明

學政宋訥之後克忠足

以繼之尋遷河南僉事

韓禎

洪武初任叅政時展築城池閩帥力欲亟成工役晝夜不得稍息軍民困苦病亡禎謂曰城郭

所以保民也今築城而疲民是所謂以其所不
愛及其所愛甚非安邊保民意也朝廷聞之咎
將誰歸帥始懼又欲令五更始工二更而止禎
曰不可乃召衆定約以晨鐘從事夕鐘則已由
是軍民赴工
者莫不感悅

韓溫

以指揮僉事守蘭州洪武元年元將王保自甘
肅來攻城凡四閱月溫設方畧固守屢棄其急
之敗

韓宜可

字伯時忠獻公琦之後幼好學精敏淹博磊落
有大志洪武初以殿貢授山陰文學歷西臺御
史自以受知遇言事嘗諤無所避大臣之貴倖者
咸側目焉出為陝西按察僉事坐累免為庶人尋
起授山西布政使擢右副都御史宜可雖以文學
名然明習法令歷憲臺多所平反世稱老史云

韓奕

字公望其先安陽人宋韓琦十一世孫南闕徒蘇奕潛心理學尤精醫道洪武初累薦不起所

著有韓山人集少師姚廣孝為序謂其冲澹幽婉無塵俗氣嗣於晉宋作者

韓守益

字仲修號樗壽石首人生於元季及國朝以儒士攝教宜都膺賢良文學聘擢廣西僉事

有撫夷功補河南道御史因直言忤充國子膳夫供事不以人代尋命復御史究問本監官吏後補重慶太守調繁臨江坐貢舉事貶安慶府判復取為御史凡三厯臺諫多激上怒至是命力士用鐵鎚擊卧地怒平命太醫院調治限三日入朝乃改春坊中允人爭重之上亦有闕

有疾懇辭居家閉戶吏部起用文移月至再三訃聞日上深痛惜召大學士楊溥曰卿同鄉韓中允死矣即欲大用之天乃奪之甚速千百人中無此人也益忠孝大節備載傳中大較

平生出處多歷險阻至危言數犯無所屈撓方之古烈丈夫何讓焉

韓言

平居留心典籍手不釋卷洪武初以文學見推於時因編其家為儒戶一生著作最多至今舊

家猶收

藏之

韓郁

未詳何許人洪武中由薦舉授監察御史永樂兵起上書諫阻不聽

韓永

陝西西安人建文中為戶科給事中坐軀靈辱音吐宏朗每慷慨論兵事建文君喜之永樂間召入見不

避死之

韓翼

砥礪操行以明經舉鄉貢進士永樂間任主事時河決為患漕運苦艱莫有能塞之者翼奉命至輒塞之以治水有功陞大理寺少卿當時有平獄緩刑民無究之頌歷朝四十年憂國愛民

始終一節卒於
官欽賜葬祭

韓陽

字伯陽山陰人永樂丁酉以春秋魁兩浙歷蘇
松二郡司訓教士有成業譽望日起典江右試

事所錄者皆名士後多至名公卿轉丹陽教諭
用太常卿姚友直薦南京監察御史論奏不避
權要楊文定公溥時為宗伯推陽學行可師表
一方乃授湖廣按察僉事提督學政士類向化
擢江西按察副使景泰丙子監省試同官有欲
私其所親者陽毅然斥之擢廣東左布政使未
幾得請致仕陽孝友天至母病躬為嘗糞
然性剛方不能容人過所著有思菴稿

韓勵

邢臺人永樂間任工部主事廉能幹濟時初建
京城勵與督工條約嚴明工役齊整一時目為

史清

韓璽

太和人永樂進士任工科給事中侍從宣宗講書日承顧問遷山東按察司僉事歷廣東左叅政自近侍至藩臬始終以廉謹自持政聲大著

韓浩

字季洪常熟人永樂時任御史未嘗深文詆人罪闕急吏輒論罷之仁宗為太子留守珠被聞訊獄乞多付韓御史奏上輒報可嘗有闕收其偏聞上之請論死浩議令以闕後遷

按察江西年

至九十餘

韓約

永樂初通州知州有學有守為政有方吏不能欺民懷其德

韓雍

字永熙吳縣人正統進士累官總制兩廣都御史謚褒毅雍素望服人所在成功在廣平大藤峽功烈尤著

韓文

字貫道洪洞人成化丙戌進士授工科給事中
歷官太子太保戶部尚書劾劉瑾削籍瑾誅復

官致仕贈太傅諡忠定子士奇舉進士任叅政
士聰舉人士實舉人兩淮運司同知孫廷臣舉
人廷偉進士文清心寡慾疑重雍粹居常抑抑
臨大事斧斷電擊至死不撓當其時與司馬劉
東山都憲張介菴
稱弘治大君子

韓福

字德夫西安人成化進士擢御史激揚有聲出
守大名民不知吏道不拾遺奏課第一轉僉都
御史巡撫京畿撫綏振揚百姓繪像祀

之轉戶部左侍郎因忤宦瑾謝職歸

韓愁

成都人將家裔也自號飛霞不樂仕自負悶悶
槩人善詩文沉機遠畧有不可詰其際者知黃
白之術托談醫事彭幸菴勦撫流
寇計多出飛霞功成而人不知

韓邦問

字人經湖廣籍浙江會稽人成化進士歷官南京刑部尚書草廬疏食不求安飽年九十

二卒諡

莊傳

韓邦奇

字汝節朝邑人正德戊辰進士授主事歷陞浙江僉事忤鎮守內官逮下詔獄削籍嘉靖

元年起山西叅政仕至南京兵部尚書致仕卒奇性剛直尚節槩端潔方正人不敢干以私威

望稜稜人方之盱司寇

惟行王家宰九臯云

韓邦靖

字汝慶邦奇弟幼聰明異常十四舉于鄉二十一舉進士拜工部主事舊抽分餽鎮守太

監千金邦靖固不與歷山西叅議以災異上疏為民嘉靖初起山西革奸平獄權豪欲跡卒年三十六性至孝父病寢側年餘事兄邦奇輩極骨肉之愛鄉人立碑表其孝義

韓士英

字廷延南苑人正德進士嘉靖初以南京戶部郎中知岳州府溫雅有度政尚明恕重創

郡堂修葺諸廢墜咸不擾於民後官至戶部尚書

韓濂

字守清餘姚人由進士任監察御史出按八閩以直謫江西高安縣丞陞通州判官尋轉山西

石州知州以憂去正德九年冬知秦州濂言行端謹老成重厚達大體歷任幾年六事具舉吏民畏服士有窘乏者分俸貸以周之十年秋陞河南按察僉事進山東副使

韓應龍

字汝化餘姚人嘉靖乙未進士第一

韓叔陽

字健甫應天高淳人嘉靖丁未進士歷湖廣按察副使子邦憲年十八舉己未進士闕

州知州
病卒

韓忘

字闕 四川瀘州衛人嘉靖丙辰進士授中書

卒病

韓君恩

字元寵 關水人嘉靖丙辰進士授推官陞御史歷浙江按察副使

桓

俱以謚為姓向魁亦稱桓氏後

漢桓譚

沛國相人父成帝時為太樂令譚以父任為郎

因好音樂偏習五經能文章尤好古學光武即位拜議郎上疏陳時政帝欲以識決疑譚極言非經帝怒出為六安郡丞譚著書言當世行事

號新論又有賦誄書奏

桓榮

字春卿沛郡龍亢人少學長安精力不倦建武中拜議郎授太子經累遷太子少傅賜以輜車

乘馬榮大會諸生曰今日所蒙稽古之力也明帝即位尊以師禮拜為五更

桓典

字公雅榮玄孫舉孝廉為郎靈帝朝拜侍御史常乘驄馬京師畏憚語曰行行且止避驄馬御史三遷至羽林中郎將弟彬為尚書郎與蔡邕齊名邕論序其志以為有過人者四乃樹碑而

頌馬

桓鸞

字始春少立操行以世濁州郡多非其人恥不肯仕太守向苗有名迹桓帝時舉鸞孝廉遷膠東令始到官而苗卒鸞即去職奔喪經三年而後歸人高其義

桓階

字伯緒臨湘人父騰為尚書著名南方階初為郡功曹太守孫堅舉階孝廉除尚書父喪還舊鄉里會堅擊劉表戰死階冒難乞堅喪表義而與之階後歸魏武辟為丞相掾累遷尚書令封

安樂鄉侯

卒諡曰貞

桓郁

字仲思榮子敦厚篤學傳父業以尚書教授門徒常數百人郁當襲爵上書讓於兄子不許悉

以租入與之官至侍中授二帝經業門人楊震朱寵皆至三公

桓焉

字叔元郁子以父任為郎明經篤行有多稱授安帝經三遷為侍中錄尚書事弟子傳業者數

百人黃瓊楊賜最為顯貴

桓曄

字闕歸寧赴哀將至止傳舍整從者而後入曄罪人鸞卒姑

之後至京師未嘗舍家楊氏闕若此賓客闕一餐不受于人舉孝廉皆

未應

桓寬

字次公汝南人治公羊春秋宣帝時舉為郎至廬江太守博通善屬文推行鹽鐵之議者數萬

言以究治亂成一家之法焉凡十六篇

桓叔元

郁之子明經篤行二女適孫雋及李膺時人謂其二女俱乘龍言得婿如龍也

桓彛

字茂卿譙國人漢五更榮九世孫性通朗早獲盛名仕為遼道令累遷尚書吏部郎後為宣城內史蘇峻反守節而死五子溫雲豁秘冲溫豪與有風槩姿貌甚偉哀帝朝以功加大司馬

桓豁

彛子字子朗興寧初督荆揚諸州軍事

桓溫

字元子溫嶠聞啼聲曰真英物也

桓冲

字子幼彛子性儉素其妻嘗進新衣冲怒促持去復進之曰衣不經新何緣得故冲乃笑而服

之孝武朝為荊州刺史
代溫居任盡忠王室

桓宣

譙國鉅人仕為丞相舍人時張平樊雅各據一城元帝以宣與之同里轉為後參軍使就之平

雅即遣使隨宣受節制後更宣為都督司梁雍及荊州之南陽襄陽新野南鄉軍事甚有稱績

桓伊

字叔夏宣族子嘗督豫揚二州軍事所至撫綏百姓賴焉與謝玄共破苻堅進號右將軍封永

修侯伊性謙素不伐善音樂有蔡邕柯亭笛嘗自吹之

桓雲

字雲子譙國龍亢人彝之子初為驃騎何充參軍尚書郎不拜襲爵萬寧男歷位建武將軍義

城太守遭母憂去職葬畢起為江州刺史稱疾廬于墓次詔書敦逼固辭不行服闋然後蒞職

加都督司豫二州軍事領鎮蠻護軍西陽太守假節雲招集衆力志在足兵多所枉濫衆皆嗟

怨時溫執權有司不敢彈劾升平四年卒
贈平南將軍諡曰貞子序官至宣城內史

桓石民

豁之子弱冠知名謝安引為參軍叔父冲上
疏版督荆江豫三州軍事振武將軍領襄城

太守戊夏口與石虔攻苻堅荆州刺史梁成等
於竟陵明年又與隋郡太守夏侯澄之破苻堅
將慕容垂姜成等於漳口後領梁郡太守冲薨
詔以石民監荆州軍事荆州刺史桓氏世蒞荆
土石民兼以才望
甚為人情所仰

桓祕

字穆子豁弟少有才氣不倫於俗初拜秘書郎
兄溫抑而不用久之為輔國將軍時梁州刺史

司馬勲叛入蜀祕以本官監梁益三
州征討軍事假節勲平為散騎常侍

桓謙

字敬祖嗣弟詳正有器望初以父功封宜陽縣
開國侯累遷吳國內史孫恩之亂謙出奔無錫

徵拜驃騎大將軍元顯引為諮議參軍元興初
朝廷將伐玄以桓氏世在陝西謙父冲有遺惠
於荆楚懼人情向背乃用謙為持

節都督荆益寧梁四州諸軍事

桓修

字承祖尚簡文帝女武昌公主歷吏部郎稍遷
左衛將軍王恭將伐熙王尚之先遣何澹之孫

無終向句容修以左衛領振武將軍與輔國將
陶無忌距之修次句容俄而恭敗時朝廷無備
內外崩駭修進說曰殷桓之下專恃王恭恭既
破滅莫不失色今若優詔用玄玄必內喜則能
制仲堪朝廷納之以修
為龍驤將軍荊州刺史

桓石虔

字鎮惡豁子有才幹趨捷絕倫猛虎被箭而伏虔
往拔之猛虎跳虔亦跳虎伏虔復拔一箭以歸從

温入關威鎮敵人時有病瘡者謂石虔來以怖之多愈
為豫州刺史弟石秀石民石生石緩石康俱知名

桓石秀

豁次子幼有令名風韻秀徹博涉羣書尤善老莊嘗獨處一室簡於應接時人方之庾純

任西陽

太守

桓嗣

字恭祖少有清譽與豁子石秀並為桓氏子姪之冠冲既代豁西鎮詔以嗣督荊州之三郡豫

州之四郡軍事建威將軍江州刺史莅事簡約脩所住齋應作板檐嗣命以茅代之板付船官轉西陽襄城二郡太守鎮夏口後領

江夏卒官追贈南中郎將諡曰靖

桓肩

字茂遠冲孫少有清操雖奕世華貴甚以恬淡見稱初拜秘書丞遷中書令

桓雄

長沙人為譙王承主簿及承被王敦黨魏義執送武昌雄與西曹書佐韓階從事武延並毀服

為僮豎從承不離義見雄姿貌長者因害之階延執志愈堅敦遣其黨王廙殺譙王於道階延

親營殯欲送柩還都
朝夕哭奠葬畢乃還

南桓康

蘭陵人隨南齊武帝起兵推堅陷陣江南人畏
之畫其形可愈瘡疾後封吳平縣侯終驍騎將

軍

唐桓彥範

字士則丹陽人武后未為中丞與張柬之等
謀復中宗以定策功擢侍中封譙郡公時帝

惑於後官彥範上書諫帝不省未幾罷政事封
扶陽郡王為武三思所誣貶瀧州司馬復遣人

矯制殺之睿宗即位
追復官爵諡忠烈

桓化民

眉州人崇
寧進士

明

萬歷間桓應元
利津人遵化丞

萬姓統譜卷二十四

欽定四庫全書

萬姓統譜卷二十五

明 凌迪知 撰

上平聲

十四寒

潘

滎陽羽音周文王畢公之子孫食采於潘因氏

周

潘崇

楚穆王立以其為太子之室與
潘崇使為太師且掌環列之尹

潘黨

字叔黨楚大夫與養由基躡甲而射徹七札
焉以示楚王曰君有二臣如此何憂於戰

潘匡

字師叔楚大夫莊王三年伐庸子楊憲自闕歸
曰庸師衆羣蠻聚焉不如復大師而後開師叔

曰不可姑再與之遇以驕之七遇皆北不設備虜乃令師於臨品遂滅虜

漢潘乾

字元卓光和中為涇陽長布政優優矜恤順者重義輕利推泮宮之教反決拾之禮

三潘璋

東郡發干人居貧嗜酒好賒沽債家至門輒言後豪富相運事吳主權屢平寇盜有功璋為人

粗猛禁令肅然領兵馬數千而所在常如萬人官至右將軍

潘濬

武陵人吳孫權拜濬中郎將遷太常時五溪蠻叛濬督諸軍討之信賞必罰獲斬數萬自是羣

蠻衰弱一方以寧

晉潘京

字世美武陵人郡辟主簿有機辨後舉秀才至洛與尚書令樂廣共談累日廣歎其才曰君天才過人若加以學必為一代談宗京感其言遂勤學不倦時武陵太守戴昌父子亦善談俱為

京所屈歷巴邱卽陵泉陵
三令明於政術路不拾遺

潘滿

滎陽中牟人武帝時為
平原內史以學行稱

潘岳

字安仁滎陽人鄉邑號為奇童才名冠世後官
中書令有西征閒居等賦美姿容少時持琴彈

出洛陽道婦人皆投之以果滿車闕從子尼
性恬退以勤學著述為事累官闕卿封安昌
公

潘綜

烏程人孫恩之亂綜與父驛共走避驛困倦綜
迎賊叩頭曰父年老乞賜生命賊斫驛綜抱驛

賊斫綜凡四創有一賊謂曰殺孝子不祥父子
俱得免後以薦累官遂昌縣長宋元嘉中改其
里曰純孝闕
租布三世

南潘徽

吳郡人性聰敏善屬文能持論陳尚書江總甚敬之及陳亡仕隋為州主簿秦孝王俊召為學

士遣撰集寧書名為韶纂晉王廣復引為揚州博士令與諸儒撰江都集禮成徽為之序

潘樂

字相貴本廣宗大族後家廣寧父永有技藝襲爵廣宗男齊神武出牧晉州引樂為鎮城都將

從破爾朱兆於廣阿進爵廣宗縣伯後贈假黃鉞大司馬尚書令

潘永基

字紹業廣宗人性通率輕財好施為長闕太守時葛榮攻信都基與刺史元孚同心捍禦

力窮城陷請以身代孚死遷徐州刺史尚書右僕射子義智有父風仕隋至尚書左丞

唐潘好禮

貝州人弟明經博學能論議即行修整開元初為邠王府長史兼司馬王好遊觀農月出

獵好禮乃卧馬下諫曰今農在田王何得非時暴禾稼以損下人請先踐殺司馬王慚而還後

遷豫州刺史
勤於政事

潘晃

廣德人。事父至孝。嘗以役事至京。一旦夢有山神告曰：汝父病篤，晃覺驚惶不已。日夜奔走，以歸。一夕復夢，神語曰：汝父疾愈，歸問其故。果如夢中言。後父卒，廬墓側，芝草累生。開宗詔旌其德。令門授廣

潘師正

貝州宗城人。少喪母，廬墓以孝聞。王知遠為道士，得其術，居逍遙谷。高宗幸東都，召見，問所願對曰：茂竹清泉，臣所願也。帝尊異之，詔即其廬作崇唐觀，及管奉天宮。又勅直逍遙谷作門南曰仙遊，北曰尋真。時太常獻新樂，帝更名祈仙望仙翹仙曲。卒年九十八，贈太中大夫，諡體元先生。

先生

潘孟陽

登博學宏詞科元和初除鹽鐵轉運副使詔馳驛視江淮財賦並察諸路治否孟陽所至

會賓客留連娼樂名譽大損後鄭敬宣諭江淮

帝戒之曰勿效潘孟陽殫身酣飲游山寺而已

潘辰

自稱野客善劍術海州刺史鄭匡國求學焉辰乃探囊出二錫丸俄出杰如虹旋逃匡國頭上

有聲錚然匡國懼汗

如雨下辰乃收之

潘存實

字鎮之漳浦人登元和進士試修禮耕情田玉聲如磬詩官厯戶部郎中左庶子

五代潘承祐

建安人初任閩王為吏部尚書以忠諫逐歸私第南唐查文徽下建州以禮致之南唐主

以為衛尉少卿升降人物制置郡

縣多用其言以禮部尚書致仕

潘佑

廣陵人少負介節文章贈逸尤長於議論仕南唐為秘書省正字遷中書舍人後主所為乖謬佑

上書謂若不急圖善政國必亡後主
怒殺之宋太祖聞其賢官其二子

宋
潘美

字仲洵大名人士少儻有大志仕周以功遷客
省使宋太祖受禪陝帥袁彥凶悍美往諭以天
命彥遂入朝自後平澤潞揚州下江南廣東討
雲代皆有功累官忠武軍節度使同平章事封

代國公卒
諡武惠

潘慎修

字成德莆田人父承祐仕南唐以禮部尚書
致仕慎修淳化中以考功員外直秘閣官至

翰林侍讀學士風度醞藉
博涉文史有文集五卷

潘閔

字逍遙江都人嘗居洛陽賣藥暇日負囊騎驢
看山行吟意有所適終日弗反好事者繪畫圖
孫僮魏野皆有詩贈之至道初有言其能詩者
因召見崇政殿賜進士及第授四門國子博士

後坐盧多遜黨變名姓縑服入中條山嘗題詩
鐘樓句奇崛僧疑而迹之逸去朝廷捕治方急
閔度不免出首諱信州移太平結廬郡治西南
瀕溪居焉吟咏不輟詩苦淡清勁劉攽謂其不
減劉長卿後

不知所終

潘惟吉

美從子累官天雄軍駐泊都監雖連戚里
能以禮法自飭敷歷中外人咸稱其勤敏

潘夙

字伯恭美從孫天聖中上書論時政授仁壽主
簿後為河北轉運使知河中府章惇察訪荆湖

討南北江蠻徭陳夙憂邊狀
知潭州再遷光祿卿知鄂州

潘益

蒼梧人常儒衣持一大翼行坐獨語皇祐中儂
賊陷邕至梧城下聞其異召而問曰吾形貌如

何益曰汝一賊爾又曰梧州幾日可陷曰百年
亦不陷又曰我欲據此以為南粵如何曰汝將

斬首豈能有粵
邪賊怒遂害之

潘谷

元豐間人山谷嘗以錦囊貯其墨半丸後飲酒三日發狂赴井死跌坐井中手尚持顆珠也坡

詩云一朝入海尋李
白空看人間畫墨仙

潘大臨

字邠老黃岡人與弟大觀皆有詩名與蘇軾黃庭堅張耒游冷齋夜話云黃州潘邠老工

詩有佳句然貧甚
東坡山谷尤喜之

潘興嗣

新建人與王安石曾鞏善仕為德化縣尉許城與興嗣同郡城為江州刺史興嗣往見城

据坐不為禮興嗣往歸徜徉山水間自號清逸居士以瑞州推官召不赴孫淳師事黃庭堅作

詩尤
工

潘懷

字景進壬辰兵亂懷父希古被寇縛索資貨露刃脅之懷爭前曰貧家無所有有則資不重於父將軍必欲逞怒懷請代父寇試之即引頸遂併釋之後被薦入官

潘允

字說之自進士累官中書舍人歷顯謨閣待制知洪州不登朱勔之門勔護喪歸亦不往見路允迪稱其言語文章一本六經之醇毅然有守終不玷缺與從子民瞻有倡和詩集

潘殖

字子醇浦城人大觀中兩以鄉薦上禮部不偶建炎戊申始以累舉除官調真州推官性嗜學不倦嘗悟新學之非於是迷忘筌書五卷理性書九篇自號浩然子劉勉之劉子輦皆喜其書子輦跋其後極稱

其得學易門戶

潘中

字民極浦城人擢進士第知長溪建炎丙午二帝北狩中拜詔涕泣交頤見者皆為感慟會建

辛葉儂叛中慮其迫境團結民兵號忠義社以
為之備寧德縣令遺書告急中輒衣赴之冒險
以戰因而被執賊聞其名脅之使從中叱之曰
汝受朝廷賞給輒孤恩背叛我恨不斬汝萬段
肯與汝俱生耶遂過害事聞
詔贈朝請大夫官其二子

潘彙征

字泰初溧陽人舉進士紹興初官真州教授
劉宰稱其事親孝律已廉不僥倖以干進彙
征記問該洽歷知崑山縣以廉
平服人績治著聞調繁昌縣卒

潘汝一

字古玉海陵人淹貫經史善文章建炎中許
容攝州事迎敵西郊汝一不食數日所親強
之乃起敵遣人誘之乃罵曰吾生於宋死於宋
閩門為忠義鬼含笑入地矣後以進士名次得

官更歷

州縣

潘良貴

字子賤金華人政和間進士仕至徽猷閣待制中書舍人廉介剛毅立朝不阿父喪貧無

以葬高宗賜錢五十萬緡歷三朝清風高節凜然當世

潘翼

字雄飛處州青田人貫穿諸子百家之書凡禮樂制度以及傳註箋疏雜說靡不淹通明天文

作皇圖證驗休祥畢應又著九域賦凡山川州里遠近與嘗親歷者言無少異括隱僻字補註篇韻遺漏辨爾雅本草名物訓釋舛誤尤工古文記問橫臆動輒數千言邑之聞人登科者多出於其門王公十朋自少從其游每嘆不能竟其學

潘安固

字仲碩平陽人熙寧間入太學得伊洛之傳大觀舉人行郡以其名應詔不就以行義稱

常居襴襪不去體一日步闌關值負薪者誤觸其帽墮溝中負者悸弛擔將取還安固撫其背

曰勿滯汝寒裳濡足自取戴之紹興初王師討寇范汝為道經平陽官民駭避安固散財粟資戰士邑賴以安韓世忠上其勞以宣德郎召不赴

潘祺

溧陽人性至孝好學尚氣節父疾篤焚香額天請以身代後果愈僉謂誠孝所感游太學與陳東為友東欲陳時政祺曰奈親老不能與子俱子不可不勉陳意遂決後登第調宣州司戶朝野推重云

潘緯

華亭人紹興中舉進士甲科恬於進取工著述嘗音註柳文

潘慈明

字伯龍純孝鄉人紹興間第進士仕至秘書丞荆湖南路轉運使其知江州日嘗建瀟漢

周先生祠堂晦菴朱子為之作記其他政事雖不傳此亦可見其一端矣其歿也遺教子孫以

古禮送終鄉
人傳以為法

潘檉
字德久永嘉人諸父文饒文孝文禮俱登科文
饒字民則學本濂洛尤為多士所宗父虎

闕

欽定四庫全書



萬姓統譜

潘明之

至大間嘉興尉與金華許白雲謙友善謙稱
明之英資挺特德性剛明傳朱呂之學能折

節下民在縣時嘗聘謀教其
縣人謙未赴明之亦遂解縣

潘迪

元城人博學能文歷官國子司業集賢學士所
著易春秋庸學述解及格物類編六經發明諸

書傳
於世

潘從善

字擇可蘭陵人元至正九年文允中榜進士
累官承直郎同知制誥兼國史編修終福建

儒學提舉擇可工古詩文善小
楷書名重士林所著有松溪集

潘榮

字伯誠婺源桃源人隱居博學通諸經尤長於
史嘗著通鑿總論又嘗集蘇句一百篇危承旨

太樸為之贊學者稱節齋先
生其歿也桃源人祀之於社

明潘毅

臨濠人國初從征十有五年破荆楚斬諸山寇
轉戰吳越從徐達北伐皆與有功拜虎賁衛指揮

揮使再從西征道卒
追封滎陽伯諡曰武

潘原明

秦州人初與張士誠俱起鹽徒為浙江行省平章守杭州李文忠師至錢塘原明全城歸

降民不受鋒鏑
士誠由是勢孤

潘庭堅

當塗人洪武初為太平教授兩遷翰林學士以老致仕平生慎密謙恭未嘗有過文譽為

一時所重子
黼為起居注

潘忠

歷官至都督將兵屯雄縣建文元年八月永樂兵至雄破其東門忠至月漾橋遇伏被執不屈死

潘長壽

字煥文長興人恬靜好學洪武中由人才任右僉都御史

潘賜

字文錫浦城人永樂進士授行人出使日本回獻德化書永樂大典頌上覽之稱善命入史館

轉鴻臚少卿再使日本回陞江西參政警家摘其詩句以為妖言坐落職宣德間復除鴻臚寺

少卿又使日本朝廷深加獎勞賜才思高邁操履方正三使外夷能全大體以副君命時論賢

之所著有梅竹篇皇華勝覽容菴文集若干卷

潘時正

永樂中為濟寧同知存心公恕長於撫字建言開通河道自濟寧直抵臨清朝廷嘉之至

今漕運賴其利

潘禋

字成夫鄆人永樂中徵修永樂大典授後軍都督府都事宣德元年從安遠侯柳升成山侯王

通征交趾升恃勝有驕色裡諫不聽會賊再至升出戰忽橋斷軍分而敗升欲降裡曰不可惟

死戰而已帥所部皆死之通脫歸以聞
詔徵其子凱為進賢學訓導世蠲徭役

潘瑛

儀真人性簡厚永樂三年由監生任善化縣簿
下車即詢民瘼周爰若弗及其御吏胥自判斷

外不妄交一語堂廡上下寂然無譁田里間亦
無叫囂隳突民愛而畏之閱二年陞工部主事

潘文奎

字景昭浙江永嘉人宣德初由左春坊司直
郎陞府同知清慎寬厚有豈弟之德其文章

詞翰為當時所重修國史七
秉文衡陞福建布政司參議

潘時雍

錢塘人性簡淡力學隱居郡城之東號灌園
生詩多奇語字亦道勁為徐大章賦獨樹軒

詩贈灸
人口

潘稹

字景微合肥人天順進士任御史亮節直聲為
流輩所推歷官左布政使為人恂悃無華與人

交無
町哇

潘黼

字章甫廷堅子幼穎悟絕人比長師事陶安初授太平府學教授未幾擢為起居注丙午拜嘉

議大夫江西湖東道按察使黼
為人肖父而文章清雅過之

潘禮

字子純歸德人天順進士歷官工部侍郎清
庶恬退未老乞休年八十一詔給來月三石

潘榮

字尊用福清人正統
戊辰進士歷尚書

潘蕃

字廷芳崇德人成化丙戌進士歷刑部郎中出
知安慶府嚴公廉明士民畏服弘治中為右都

御史撫治四川總制兩廣陞南京工部
尚書蕃儉約朴素始終一節今祀鄉賢

潘府

字孔修上虞人成化
丁未進士歷太常卿

潘珍

字玉卿婺源人弘治壬戌進士歷侍郎

潘旦

字希周婺源人弘治乙丑進士歷侍郎

潘埴

字伯和山陽縣人進士正德丙子由兵科都給事中

以抗直忤權貴謫州同知興墜舉廢盡厥心力先是城曠而虛廬其中者無幾白晝往行劫埴募鄉里富豪徙城中復為之區畫方隅列街市市廛間始翕然奸盜斂息埴之力也又嘗脩忠烈二祠及循吏鄉先生行實炳烈者入祀其他惠政不可悉舉云

潘中

澠池人舉人正德十年知內黃恬淡樂易與民道疾苦藹然如家人一切儉約時有公出

嘗囊金以自給織芥無取於里胥每歲首疏其錢穀之可緩及工役之可已者停止之河道修

築歲費薪獲萬計毅然為請於
上竟得蠲豁百姓至今思之

潘鑑

字希古婺源人正德戊辰進士歷尚書謚襄敏

潘倣

字景哲洛陽人正德辛丑進士歷都御史

潘希曾

字仲魯金華人由進士累官太常寺卿陞都察院右副都御史提督南贛軍務鎮靜持大

體累陞兵部左侍郎

卒於任贈兵部尚書

潘璜

字薦叔婺源人正德辛巳進士歷官工部尚書謚簡肅

潘恩

字子仁上海人嘉靖癸未進士歷刑部尚書都察院右都御史子允哲嘉靖乙丑進士歷按察

副使允端嘉靖壬戌進士歷四川右布政使

安武陵商音安息王
子入侍遂為漢人

漢卿安期生卿人賣藥海上號抱朴子
始皇與語三日三夜異之

安成太子

安高

南北安同遼東人仕魏有濟世才
太武監國以同為左輔

安原雅性矜嚴沈勇多智畧
以功賜爵武原侯

安頡同子辨慧多策畧有父風異斤追赫連昌至安
定頡為監軍昌日來侵掠斤以馬死為辭頡曰

尋死當戰死可坐受囚乎乃陰選
騎馬擒昌送京師賜爵西平公

唐
安金藏

武后時或有誣睿宗反者金藏大呼曰請剖心以明皇嗣不反引刃剗腹腸出被地而仆

詔停
獄

安庭堅

開元中太谷令有美政邑人稱之為立碑

安敬忠

開元中為會州刺史時河流衝逼州城敬忠率團結兵作堰於是水向西流遂免淹沒

五代
安重誨

應州人唐明宗時官至中書令時有獻嘉禾白鶯白兔者皆却而不獻務盡忠為國人皆

稱
焉

安潛

代高駢領西川節度使前倚駢為奸者盡誅之更除謬政蜀賴以安

安重榮

朔州人善騎射晉高祖即位拜成德軍節度使重榮雖武夫而曉吏事時高祖與契丹約

為子重榮以為誦中國以尊夷狄此萬世之恥也

安金全

驍果工騎射能禽生踏伏病居太原力疾破梁王檀然莊宗不以為能不錄其功

安光鄴

沈默多謀臨政務寬靜休息不營產業假官舍以居蕭然僅蔽風雨粗衣糲食處之裕如

累官永興軍節度使

安師建

為彭州馬步使王建攻彭州殺其守楊晟執師建欲使為將帥建叱曰誓與司徒同死生

不忍復戴日月遂遇害

安彥威

字國俊高祖時拜北京留守徙鎮歸德是時江決滑州命彥威塞之彥威出私錢募民治

隄遷西京留守遭歲大饑彥威鎮撫飢民民有犯法者皆寬貸之飢民愛之不忍流去

宋
安守忠 晉陽人父審琦周封陳王守忠累官衛州刺史入宋知興元太宗時累知數州累遷成德

軍觀察留後為治簡靜喜與士大夫游從時論多與之

安俊

太原人祖贊高州團練使仁宗即位俊補殿直後歷知數州累遷侍衛步軍都虞候俊久在邊

羌人識之嘗為環州都監種世衡得俘虜問曰若屬孰畏曰畏安太守

安德裕

字燕之河南人重榮子性介潔博貫文史精於禮傳宋初舉進士甲科累官金部郎中出

知睦州還判太府寺有集四十卷

安忠

洛陽人祖叔于仕石晉為方鎮以太子太師致仕忠形質魁岸久事宋太宗於藩邸及即位授

供奉官嘗護高陽關屯兵屢敗契丹兵歷知壽貝揚州累遷東上閣門使

安昌期

皇祐中舉進士調橫州永定尉去官不仕放浪山水間至清遠峽山寺遊和光洞於洞前

石壁上題詩曰蕙帳將辭去猿猴不忍啼琴書自為樂朋友孰相攜丹竈非吾藥青雲別有梯

峽山予暫隱

人莫擬夷齊

安儼

邵陽人舉進士歷太子贊善秘書著作郎帝嘗謂曰卿以文學純粹為時名器雖百辟森羅偷

安者多可懋乃德沃朕心歷右司諫

安實

字子仁崇安人書記哀長吉曾孫將預計偕以避嫌易今姓苦志刻學師熊未理學知所歸寒

暑手不釋卷授徒自給勸駕凡三竟齟齬負所學抑鬱以死人多惜之

安燾

字原卿開封人幼警悟登第累官觀文殿學士知鄭州章惇與燾布衣交及為相覲其助已乃

上疏言用事之臣持紹述之名誑惑君父
在哲散時兩知樞密院事子扶為給事中

安惇

字處厚廣安人元符初為御史中丞惇與蹇序
辰看詳元祐訴理所公案惇奏凡得罪於元豐

之間乞特出睿斷以勸沮天
下由是復施行者千餘人

安民

不肯錮元
祐黨碑

安堯臣

梁江人宣和初上書論宦寺權臣倡議北伐
臣恐唇亡齒寒徽宗嘉納詔補承務郎後又

上書言女真不可結燕雲不可
取書極抗直累官至南平太守

安世通

本西人隱居青城山中與曦反乃獻書於成
都帥楊輔欲其舉義討曦言甚切至輔不能

決遂東如江陵請吳玠討之未幾
曦敗使蜀薦士以世通為首云

安丙

字子文渠江人淳熙間進士知大安軍吳曦反丙設策誅之進資政殿大學士四川制置使累

遷至少傅卒贈少師封魯國公諡忠定所著有晶然集子祭仲知果州

元安文憲

延祐中守廬州興學重農子視斯民所欲與聚卓有異績

安祐

磁州人弱冠上書世祖奇之授以近侍每有委用規模宏遠官至集賢大學士卒贈平章追封

興國公諡文康

安熙

字敬仲棗城人早承家業慕保定劉因方將造門而因已沒乃從因門人問其緒說及得朱子之書即尊信力行家居教授垂數十年四方來學多所成就既卒鄉人為立祠門人蘇天爵為

輯其遺文

明安然

頴州人洪武初為起居注歷任浙江河南布政司參政陞山東布政使未幾召為御史大夫官

至四輔每論事賜坐多所裨益

安真

洪武初同知黃州府事守法不撓為奸吏訐奏被逮戍獄事聞上諭湖廣提刑官曰律在法司守法固宜真佐郡所為朕訪非其私也滑吏汙讎之以報忿耳此風一長則有司無官矣遂復其官吏坐死

安德

汝州人幼警敏涉獵經史習詞賦舉元進士隱居授徒洪武初郡守舉為州學訓導兵燹之餘家無葢書德手錄以授生徒後以明經徵起入對稱善擢湖廣左參政

安磐

字公石嘉定人登進士第選庶吉士開兵科給事中嘉定人登進士第選庶吉士開兵科給事中病謝職與程侍御彭給事楊關時號

三高既而進都給事中議大禮伏闕
被宥落職還籍以疾不起世皆惜之

安奎

直隸人弘治進士

安永清

遼東人嘉靖丙戌進士

樂

西河徵音唐叔虞之後晉靖侯孫賈食采樂邑因氏焉

周樂書

字武子晉大夫成公二年伐齊而歸公勞之對曰士用命也書何力之有焉成十六年晉郟陵

之捷樂鍼掀

公出於淖

樂厲

晉悼公即位使樂厲為公族大夫使訓卿之子弟共儉孝弟

樂弗忌

三郤害伯宗潛而殺及樂弗忌韓獻子曰善人天地之紀也而絕之不亡何待

樂共子

晉武公伐翼殺哀侯止樂共子曰苟無死吾令子為上卿辭曰民生於三事之如一父生

之師教之君食之故壹事之惟其所在則致死焉從君而二君焉用之遂鬪而死

樂選

有罪奔齊以齊兵攻曲沃襲絳敗走遂賊樂氏

樂枝

晉人共子子枝事文公為大夫將下軍趙衰讓之為卿

樂盈

襄二十一年晉逐樂盈盈過周辭曰昔陪臣書輸力王室王施惠焉

漢
樂布

梁人彭越為家人時嘗與布游及越為梁王請布為大夫越被誅布祠而哭之帝欲烹布布請

就烹帝壯其義拜為都尉後以功封郃侯

樂巴

字叔元內黃人性質敏達博覽經典累官議郎陳蕃竇武被誅靈帝怒其為黨謫永昌太守嘗

有暎酒之異
至今傳焉

晉 樂肇

撰論語駁三卷釋
疑十卷任尚書令

南 樂文博

長安宿儒
門徒數千

宋 樂崇吉

字世昌封邱人以吏部令史上書言事調補
臨淄簿明習文法清白勤事累官江南轉運

使遷衛尉少卿以將作監文仕
子源虞部員外郎沂殿中丞

樂副

魏郡人
登科

元 樂汝翼

大德間知博興州持已廉潔勤
於撫字興學敷教民多化之

明 樂鳳

字秉德高郵人為諸暨知州廉謹愛民院判謝
再興叛夜殺鳳其妻王氏以身翼蔽皆遇害

樂世英

穎州人洪武初入仕歷任不怠官至四川布政使

樂榮

由舉人洪武間任左春坊中允陞思明府知府

樂輝

齊河人永樂進士任通政使

樂檠

字景光登州衛指揮嘉靖中陞都指揮僉事掌山東都司事

嘉靖庚戌進士樂尚約山東人任御史

檀

清河姜姓齊公族有食瑕邱檀城因為氏又望出平盧高平

周檀子

齊臣威王言吾臣有檀子等四人將照千里豈持如魏王徑寸之珠照十二乘哉

檀伯達

古今人表武王臣

檀弓

魯人見禮記

漢檀敷

瑕邱人家貧而行清立精舍教授遠方至者數百人仕至蒙令家無產業子孫易衣而出後舉

方正遷

議郎

晉檀贊

明帝時為兖州刺史石勒寇兖州贊力戰死之

南檀道濟

高平人仕宋參建武將軍府事遷太尉參軍說武帝北征所至望風降附封丹陽公文帝

即位進位司空鎮壽陽道濟立功當時威名甚重後為朝廷所疑見收怒曰壞汝萬里長城

檀和之

金鄉人孝建中為豫州刺史和之先歷始興太守交州刺史所在有威名盜賊屏跡

檀韶

字令孫道濟兄以討桓玄盧循功封邑邱侯拜江州刺史

檀祇

字恭祖道濟兄從宋武帝裕克京城參建武軍事劉道規征討桓玄每戰克捷屢平寇盜盧循

逼京邑攻走之累官輔國將軍督江北淮南軍事

檀超

字悅祖金鄉人少好文學自比晉超仕南齊為國子博士兼左丞

檀道鸞

字萬安位國子博士永嘉太守亦有文學撰續晉陽秋二十卷

檀憑之

字慶子高平人少有志力閨門邑肅為世所稱為會稽王驃騎行參軍

檀翥

字鳳翔十歲喪父雖幼孤寒不與鄰人來往好讀書解屬文能鼓琴年十九以名家子為行臺

中郎

檀珪

字伯玉道濟從孫王僧虔以為參軍

檀固

建德人登第後嘗上書極言朝政缺失且言朝廷罷呂大防蘇轍范純仁而用章惇曾布蔡卞

去三賢而進三凶此天下治亂之道也書奏報罷及蔡京用事遂不復用

檀敷禮

黃山谷在荊州有帖與之覓硯

宋

檀明德

奉議人知雷州

明檀郁

字道清桐城人幼失父奉母汪氏甚謹母有疾每夕稽顙告斗祈減己年以延母壽母卒貧無

以為葬朝暮號泣鄰里憐而助之或告以石山可葬郁視之皆石也不可穴泣禱于神夢有神

告曰檀孝子有穴曰湧泉可闢耳莫喻其言曰湧泉穴在足心其在山闢乎求之果得郁廬

於墓側旦夕號哭如初喪時墓傍無水須下山自汲往返頗難忽泉水湧出墓傍且冽及終喪

喪歸泉亦隨洄聞者異之詔旌其門

檀凱

任思州通判九載當陞其民詣闕言凱廉介豈弟乞復任上命給五品俸以優之仍遣還任

檀周

橫州人正德中任河源縣丞

檀瑋

潯陽人嘉靖中任訓導

萬歷間陝西平涼府

通判檀賢岳池人

干 潁川徵音宋大夫干讐之後又望出滎陽

周 干徵師 陳人

干讐

宋大夫

干獻蜀郡尉

三干吉琅琊人吳軍師為孫策所殺俄失其屍周旋人間又百餘年仙去

干休吳景帝初被徵行至曲阿有老公叩頭曰事久變生天下喁喁願陛下速耳

干瓚將軍

干松合城太守

干寶字令升博覽書記以才器召為著作郎著晉記二十卷直而能婉咸稱良史作搜神記三十卷

以示劉惔惔曰卿可謂鬼之董狐仕晉為始安太守

干大本姓許旌陽族也得仙道改姓干夫妻皆隱西山下

元
干文傳 平江人。祖宗顯仕宋累官承信郎。文傳少嗜學十歲能屬文。延祐初進士同知昌國州。後

知吳江州。廉平有聲。治行為諸州最。召為集賢待制。以禮部尚書致仕。

干顯思

新淦人。六歲失怙。踰年知求父像。時拜且哭。家貧事母能盡養。及卒水漿不入口者數日。

比葬廬墓虎馴。

其側人咸異之。

明
干文通 茶陵人。洪武中任廣德州知州。

干纓

字應庵。和州人。性孝友。肆力羣書。里塾師之。正統間父歿。盡哀。啜粥不茹葷。不作佛事。廬墓側。

旦夕悲號。終制而後歸。又十三年母歿。哀毀廬墓如初。喪時有司欲舉旌典。纓力辭曰。孝亦職分之所當為。顧纓何人。敢當盛典。情辭懇至。事遂寢。鄉邦無少長咸稱干孝子云。

干鳳

顯思後字文瑞弘治間任高淳教諭時縣治初建未遑絃誦鳳至乃制祭器考禮容朔旦會諸

生講習威儀甚整故淳言興學者以鳳為首聞母喪即徒步而歸士論重馬

干桂

字德芳順天人正德進士歷官都御史為政嚴明所在豪右斂迹

正統中廣東都司干羽長洲人隆慶戊辰進士干有年山東人

官

東陽商音

宋官鑑

朱文公石鼓書院記云蘇侯諤官侯鑑皆齋金帛割公田以佐其役

明官謙

長汀人永樂中知汝州恭謹慈愛為政知緩急先是民多流亡謙出招撫貸種免役民勸趨之

歸者動以千數廟學頽圯首割已俸倡之學校以完秩滿吏民思慕不已

官友基 寧化人 事母至孝 母病割股食之 成化中 母歿哀毀 逾常 廬墓三年

官駒 福建人 永樂進士

官廉 平度人 天順進士

官榮 福建人 天順進士

官昶 江西人 成化進士

官賢 江西人 弘治進士

端 見姓苑

明端章甫 名冕 以字行 滁州人 洪武中 由薦舉任六合縣丞 陞番陽知縣 有能聲 終於任

端弼

江都人永樂
貢士任訓導

端宏

字仲仁當塗人景泰進士任御史有風裁
後長湘藩以廉稱謝事歸足跡不至公門

端澄

內黃人洪武進
士戶部主事

端莊

當塗人成
化進士

端廷赦

字世恩當塗人正德
進士歷官都御史

端昱

南京人弘
治中貢士

寬

明寬徹

漢陽人洪武
進士使西域

寬和咸寧人宣德中貴
州永從縣知縣

乾見姓苑

唐乾思彥性倜儻褚遂亮贈以詩云志氣百年內
平生一寸心欲交天下士未面已虛襟

明乾思健涪川人宣德中
欽天監春官正

蘭中山官音鄭穆公名蘭其支庶以王父名為氏

漢蘭廣武陵
太守

晉蘭隸南昌
太守

南蘭欽字休明中昌魏人有謀畧武勇進號智勇
北蘭欽將軍為衢州刺史有惠政甚得百姓心

唐
蘭承慶

太和
登科

蘭宗周

撰水氣
畧三卷

蘭芙蓉

安德王延宗武
術死於周兵

明
蘭以權

襄陽人博學能詩洪武初以才能選闕
省照磨時廣西寇生特遣以權撫安至則先
書

布德威夷人感化一方遂安朝廷嘉之陞禮
部員外郎未幾進陞應天府尹以端謹稱

蘭廷瑞

雲南人
有詩名

蘭侃

閩縣人洪
武進士

蘭興祖

達州人洪武
舉人任參政

蘭玉

字廷璋趙州人成化進士宰邑慈厚益
民民皆愛之十三年朝覲卒於京邸

寒

潯陽周武王寒侯之後以國為氏又望出潁川

周寒泉子

秦惠王謂寒泉子曰蘇秦欺寡人欲以一人
之智反覆山東之君從以欺秦寡人忽然舍

怒日久吾欲使武安子起往喻意焉寒泉子曰
不可夫攻城墮邑請使武安子善我國家請諸

侯請使客卿張儀
秦惠王曰敬受命

寒浞

左傳

漢寒朗

魯國薛人字伯奇舉孝廉守侍御史章帝
時考察楚獄理出千餘人累遷至太尉

寒儒

游俠傳

寒章

寒翁伯

見印

南寒貧 字德林安定人建安初客三輔嘗讀老子五千

文及諸內書晝夜吟咏不絕口其後漢中破還

長安遂癡愚問其姓名

丹 堯子丹朱之後

周丹本 晉大夫

漢丹玉 居長安富人

宋 丹山 仙遊人 寶祐
中判永興軍

明 丹表 鳳翔人 永
樂舉人

丹桂芳 雷州人 正德
中寧鄉縣丞

難 見姓苑

南 難從黨 出鎮河東
北 號小朝廷

但 平聲

漢 但欽 西域
都尉

但已 濟陰
太守

宋但忠 淳熙中鹽運判官

明但元行 安陸人 洪武中知武陵開荒田興水利建公署民賴之

但存禮 邛州人 洪武舉人

但志行 宜山人 成化中任靖安教諭

但一麟 南鄭人 嘉靖中貴州經歷

但希賢 海昌人 宣德舉人 任教諭

但懋 寧夏人 正統中任戶部郎中

但懋 臨桂人 嘉靖舉人

但仕悅 長壽人祖友賢沒仕悅以嫡孫承重既葬廬墓三年按察副使彭公韶表之

盤 槃瓠氏之後

明 隆慶中武進丞
盤銘 邵陽人

鄮 音鎖海西

漢 鄮授 字仲華 潁陽人

邗

周 邗子 蜀人好道往來蜀山百餘年

明 萬歷間福州右衛
指揮邗端 嶧縣人

觀平聲又去聲如姓夏有觀扈
觀皆同姓之國子孫以國為氏

周觀射父

對楚昭王
詳言重黎

觀丁父

郟人楚
軍師

觀起

蔡大夫

觀從

起子司馬勸公
子比殺棄疾

漢觀鵠

零陵人自稱平天
將軍為孫堅所敗

觀恂

楊州
太守

觀洋

蜀人

冠 姓苑云吳人鵠冠子之後又云去聲

南 冠崇奭 著本草衍義十卷

明 冠端 日照人正統中陝西安塞縣縣丞

瞞 荆蠻之後本姓蠻後變為瞞

周 瞞成 司徒

莞 見姓苑吳人

周 莞蘇 莞饒共王有疾召令尹曰莞蘇常忠我以道正我以義我與之處不安也不見不思也雖然吾有得也申侯吾所禁者功為之所好者先吾服之吾與之處常樂也必急遣之令尹曰諾明日

王堯令尹逐申侯
拜堯蘇為上卿

歡

呼官切

明

成化中豐城縣
丞歡慨開封人

完

見姓苑

元

完澤 中書右丞相諡
忠憲封衛安王

完彥文

咸陽人洪武
間南豐縣丞

完愚

興化人洪武中
歸善縣知縣

河南寶豐縣有完氏關
萬厯間潞安府經歷完國
氣咸陽人

廣東清遠衛指揮完國仁遵化人
廬州衛千戶完興山後人

丸見姓苑

漢丸步

奸

明萬歷間平山衛千戶奸閻山後人

黷音鎖借官切

漢黷授漁陽人海西

冊古刪字

鄆 縣名見姓苑

邯 趙邑名

關 見姓苑

團 見姓苑

曼 見姓苑

謹 闕

番 闕

萬姓統譜卷二十五